

M160M: Predigten, Priester Konrad (M1)

3r,1 [...] [...]

 3r,2 swelech menesch denne nach deme engile z em

 3r,3 ersten in daz wazzer geuiel swie siech der was der

 3r,4 wart gesunt . uone alleme sineme siechtovm . Do unser

 3r,5 herre uovr mit sinen iungern in dirre werlte do

 3r,6 sah er da bi dem wiare chrumpe unde halzen unde

 3r,7 ver-gihtigiv lute unde die die uallenten suohten heten und

 3r,8 ander siechen genuogen . Die auer in daz wazzer ze der

 3r,9 rehten zit niht mohten chomen . die enbant der heilant

 3r,10 dirre werlte mit sinen gotelichen genaden uone

 3r,11 allen ir unchreften . Do die iuden den wiare furbeten

 3r,12 do wart daz cruce funden . unde wart unsir

 3r,13 herre der heilige christ . dar ane genageloten do geschah

 3r,14 after div niemir mere dehein zeichen in dem

 3r,15 wiare . Nu seht die manigen bizeichenunge ane .

3v,1 [...] [...]

 3v,2 ze sagene noch so uerre ze predigen so der heilige Xp-c

 3v,3 der da ein leben ist himelis unde der erde unde aller

 3v,4 lebentigen menschen durch uns sundare

 3v,5 wart gechrucet . Div heilicheit div dar ane ist

 3v,6 bedivtet die bizeichenunge aller unserre ueter

 3v,7 swaz si ane ir opfere begiengen . unde ane der sazunge

 3v,8 div in gesezzet was ane den zeichen der heiligin

 3v,9 wissagen daz chundet daz daz also geordenet

 3v,10 was . daz seite daz daz also eruollet scholde werden

 3v,11 daz der here meide sun . sinen lip gabe ane daz

 3v,12 cruce ze marteren durch alle sundare Daz lamb

 3v,13 daz si opferten uf deme heiligen altere daz bizeichent

 3v,14 die diemovte des almahtigen gotes daz

 3v,15 er semfticlichen . vnde stille swigent ze der

4r,1 martere gie do [...] [...] haben

 4r,2 ob er wolde . Alse er ze sancto petro sprach do er eime

 4r,3 iuden der hiez malchus daz ore abe sluoch .

 4r,4 do sprach er ze ime . “Stoz din swert in dine scheide

 4r,5 wan es tu des niht wolde ich minen uater biten

 4r,6 er ne gabe mir mere denne zwelf schar der

- 4r,7 heiligen engile . die mit uivrinen swerten fure
 4r,8 mich uahten vnde daz uil wole werten daz ich
 4r,9 in der iuden gewalt . niemir gegeben wrde wer
 4r,10 loste denne die menneschen .” sprach der heilige
 4r,11 christ “unde wie wrde allez daz erfullet daz uone
 4r,12 mir geschriben ist .” Mine uil lieben si opferoten
 4r,13 in der alten e rotiv rinder . daz bezeichent daz
 4r,14 rote pluot daz uone unsires herren wnden flovz wande
 4r,15 wir waren in einen so tieffen charchere des leidigen
 4r,16 ualandes geuallen . hete er uns mit siner
 4r,17 unzallichen guote niht erlediget vnde en hete mit
 4r,18 sime gewalte den gewalt unsirs uiendes niht
 4r,19 zebrochen so ne mohten wir niemir uolchomen
 4r,20 sin noch semfte ufuart haben gewnnen . hine zov
 4r,21 den choveren da iemir licht ist ane uinster . vnde
 4r,22 grovziv chraft ane allen siechtovm . Owi wie suoewiz
 4r,23 spise uns uone deme chruce chomen ist . wie salich
 4r,24 der lip ist unde der munt der den heren lichenamen
 4r,25 unde daz heilige bluot . des almahtigen gotes
 4r,26 mit riwen ane sinen iungisten ziten enpfahet
- 4v,1 der [...] [...] gesmechet daz uns
 4v,2 got gewihet han . da uone die tieffen wnden der
 4v,3 sele werdent geheilet Helyseus ein heiligir wissage
 4v,4 der chome e lange . e got geborn wrde . in eine michel
 4v,5 stat . in eine wite gegende . Die lute die dar inne
 4v,6 waren die chlagete ime daz ir wazzer also suoer were
 4v,7 unde also hantech daz lute unde uihe da uone
 4v,8 sturben unde baten in daz er in hulfe umbe got daz
 4v,9 in div ungenade ze bezzerunge uerwandelet wrde
 4v,10 Do gie sa zehant der heilige man helyseus da div ursprinch
 4v,11 waren unde warf dar in salz unde ein wenigez
 4v,12 holz in der bizeichenunge des heiligen cruces
 4v,13 da uone wart allez daz wazzer in eine grozze sueze
 4v,14 uerwandelt daz iz niemir mere deheinen . schaden
 4v,15 niemen tet . weder luten noch uihe . Der selbe genaden
 4v,16 schuln wir got biten swaz sures unde bitteres
 4v,17 ane uns sie uone unsern sunden daz er daz durch
 4v,18 sine selbes barmunge unde durch sines heiligen
 4v,19 cruces ere uerwandle Xp-c non in memor misericordiae
 4v,20 sue & cet’a Got hete niht uergezzen siner barmunge
 4v,21 do er siniu liebiv chint under sine arme uiench unde
 4v,22 untir div uettach sines schermes ane deme heiligen
 4v,23 cruce . Wande er mit der selben bizeichenunge
 4v,24 daz ioch der uerschalnusse unde des leiden ualantes
 4v,25 uone unserme halse uil gewaltichlichen hat geschuttet .
 4v,26 Nu ratet iv div heilige schrift daz ovch [...] [...]